

恆
言
錄
一



恆
言
錄

一

錢大昕纂

110722/03

恆
言
錄

二

錢大昕纂

叢書集成初編

恆言錄 冊

中華書局 出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米 三十二分之一

統一書號：一七〇一八·一五

恆
言
錄

此據文選樓叢書
本排印初編各叢
書僅有此本

序

嘉定錢竹汀先生負高世之學爲天下所景慕卒之日士大夫莫不悼老成之彫謝焉家君知其遺稿尙有未莖者書以詢之既而先生仲子東塾攜數編至其疑年錄等書率皆手蹟編錄恐尙未經寫定惟恆言錄首尾完善家君因以授常生且誨曰學者實事求是一物不知當引爲己恥常生謹受卒業因思北海鄭君綱羅衆家摺囊大典至其箋詩願言則噫則曰俗人噫云人道我注禮夏后氏以楛豆則曰齊人謂無髮爲禿楛蓋楛卽髻而噫則今人猶然自服子慎通俗之文不傳此道幾於絕響非先生孰克成之常生爰借話經精舍友人烏程張君鑑各補注一二用棗諸家塾以貽同志焉

嘉慶十年夏五月揚州阮常生謹序

目錄

卷一

吉語類

人身類

交際類

毀譽類

卷二

常語類

單字類

疊字類

卷三

親屬稱謂類

卷四

仕宦類

選舉類

法禁類

貨財類

卷五

俗儀類

居處器用類

飲食衣飾類

卷六

文翰類

方術類

成語類

俗諺有出類

恆言錄卷一

嘉定錢大昕及之纂

吉語類

吉祥。

易繫辭。吉事有祥。莊子。吉祥止止。戰國策。聖人所謂吉祥善事。淮南主術訓。儼然元默而吉祥受福。

吉利。

易林。蒙之姤。舉家蒙歡。吉利無殃。曹操小字吉利。常生案。吉利見易大有爻辭。

歡喜。

戰國策。秦人歡喜。趙人畏懼。易林。坤之同人。析薪在尅。福祿歡喜。訟之兌。執玉歡喜。佩之解。變。同人之姤。東家歌舞。長樂歡喜。家人之屯。少齊在門。夫子歡喜。震之无妄。函珠爲寶。心悅歡喜。漸之咸。蠻夷來服。國人歡喜。巽之賁。公孫上堂。大君歡喜。中孚之隨。蝴蝶歡喜。艸木嘉茂。道德指歸。論。舉措得時。天下歡喜。史記樂書。接歡喜。合殷勤。漢書蕭望之傳。窟穴黎庶。莫不歡喜。王莽傳。神祇歡喜。後漢書陳蕃傳。人鬼歡喜。盤案。說文歡喜樂也。正當以歡喜連讀。

賀喜。

見急就篇。顏氏注云。賀喜言有喜而可賀也。易林。賀喜從福。日利蕃息。

喜歡。

晉書祖約傳。祖侯遠來。木得喜歡。鑑案魏志管輅傳。裴注。故郡將劉邠好易。而不能精。輅相見。意甚喜歡。又文選。應休。健與從弟君苗。君宵書。開者北遊喜歡。無量。常生案。古樂府善哉行。今日相樂。皆常喜歡。

快樂。

易林。乾之履。富饒豐衍。快樂無已。鑑案。國策。秦策。高誘注。快樂也。

快活。

北史和士開傳。一日快活。敵千年。七脩類稿。引桑維翰云。居宰相。如若新鞵襪。外面好看。其中不快活也。常生案。白居易詩。快活不知如我者。人間能有幾多人。又誰知將相公侯外。別有優游快活人。

自在。

列子周穆王篇。遂能存亡自在。漢書王嘉傳。恣心自在。杜子美詩。自在嬌鶯恰恰啼。

安穩。

王符潛夫論。行步欲安穩。魏伯陽參同契下篇。吉人乘負安穩長生。晉書顧愷之傳。行人安穩。布帆無恙。舊唐書嚴善思傳。事既不經。恐非安穩。常生案。晉書輿服志。以五色木牛象五時車。暨旗於牛背。行

則使人與之牛之義蓋取其石重致遠安而穩也。三國志董卓傳海內安穩。

平安。

晉人帖多用平安字。通典載徐彥議亦有昨日平安之語。鑑案漢書地理志千乘郡縣平安。又廣陵國縣平安。則平安漢時已有此語。

安寧。

爾雅冬爲安寧。常生案詩既安且寧。又史記周本紀成康之際天下安寧。

康寧。

書洪範五福三曰康寧。常生案易林冠帶垂衣天下康寧。

安樂。

詩將安將樂。鑑案禮記所以交於神明者不可以同於所安樂之義也。又漢書地理志瀘陽郡縣安樂。常生案國語民生安樂誰知其他。

長久。

老子天長地久。天地所以能長且久者以其不自生。故能長久。鑑案禮記內和順而後家可長久也。長遠。

書君奭弗永遠念天威。孔傳言不長遠念天之威。鑑案晉書明帝紀晉祚復安得長遠。此正與偽孔傳。

同時

榮華

莊子齊物論篇道隱于小成言隱于榮華荀子王制篇艸木榮華滋實之時常生案離騷及榮華之未落兮又史記外戚世家丈夫當時富貴光耀榮華貧賤之時何足累之哉

享福

後漢書郎顛傳高宗以享福鑑案顯冠子王鈇篇享其福祿而百事理

具慶

詩莫遠具慶唐摭言寶祿中楊嗣復相公具慶下繼放兩榜又云進士讌名大相識主司在具慶次相識主司在偏侍小相識主司有兄弟常生案錢希白南部新書三銓之士具慶之下多避憂闕除則皆不受對易於他人則具慶乃唐人之常語

慶賀

淮南本經訓無慶賀之利刑罰之威常生案周禮小行人若國有福事則令慶賀之

福壽

顏氏家訓盜跖莊蹻之福壽孫思邈有福壽論

人身類

性命。

易乾彖傳。各正性命。中庸。天命之謂性。皆言人所受之德也。後人以人身壽命爲性命。史記秦始皇本紀。元元之民。冀得安其性命。漢書藝文志。以生疾而隕性命。鮑宣傳。可以父子終其性命。後漢書仲長統傳。永保性命之期。逸民傳。幸得保終性命。將性命之不免。素何續。漢書輿服志。使天下之民。物各得安其性命。論衡。性命可延。斯須不老。惟人性命。長短有期。三國志劉威頌傳。使得全完。保育性命。諸葛亮傳。苟全性命于亂世。晉書皇甫謐傳。若擾全道。以擾性命。身嬰大疾。性命難保。魯褒傳。性命長短。相祿貴賤。南齊書武十七王傳。若束手自歸。可全其性命。常生案。大戴禮本命篇。命者性之終也。又樂則性命不同矣。

性靈。

晉書樂志序。性靈之表不知。所以發于詠歌。梁書徐勉傳。以娛休沐。用託性靈。北齊書杜弼傳。可以鎔鑄性靈。宏獎風教。鍾嶸詩品。阮籍詠懷之作。可以陶性靈。發幽思。杜子美詩。陶冶性靈。存底物。用此文。心雕龍。性靈鎔匠。文章奧府。南史文學傳序。大則憲章典誥。小則申抒性靈。何遜詩。還保性靈中。

意思。

論衡。意思不欲求寒溫。三國志陸遜傳。陸遜意思深長。士燮傳。意思甚密。

才具。

三國志彭義傳。卿才具秀拔。世說。許允妻云。汝等雖佳。才具不多。世語。秦始皇漢孝武之儔。才具微不及耳。晉書張華傳。鍾會才具有限。祖述傳。述有贊。世才具高嵩傳。阿鄴故有才具。北史楊侃傳。苟有良田。何憂晚歲。但恨無才具耳。

骨氣

晉書阮裕傳。骨氣不及逸少。

氣力

列子湯問篇。取道致遠。而氣力有餘。淮南主術訓。同戰國策。少焉氣力倦。史記呂后紀。朱虛侯劉卬有氣力。五宗世家。好氣力。漢書地理志。其俗夸奢。尚氣力。高上氣力。後漢書伏湛傳。素有氣力。桓榮傳。但自苦氣力。班超傳。超之氣力。不能從心。王渙傳。少好俠。尚氣力。

面貌

史記田儋傳。欲一見我面貌耳。漢書張禹傳。又奇其面貌。詩鄭箋。面貌丰丰然。豐滿。鑑案。荀子大略篇。受之而勿面。使之而勿覩。楊疏注。面貌。謂以顏色慰悅之。

筋骨

孟子勞其筋骨。淮南兵略訓。人無筋骨之強。常生案。國語夷。請無筋無骨。又左氏傳。敢告無絕筋。無折骨。

血氣。

論語血氣未定。血氣方剛。血氣既衰。禮記樂記。耳目聰明。血氣和平。中庸。凡有血氣者。莫不尊親。鑑案。素問五常政大論。岐伯曰。夫經絡以通。血氣以從。

皮膚。

文子道德篇。以耳聽者。學在皮膚。列子天瑞篇。皮膚爪髮。論語。膚受之愬。馬融注。皮膚外語。非其內實。顏氏家訓文章篇。文章當以理致爲心腎。氣調爲筋骨。事義爲皮膚。常生案。素問四氣調神大論。去寒就溫。無泄皮膚。使氣亟奪。雲笈七籤。皮膚神名通衆仲。

神氣。

南史蔡興宗傳。小兒四歲。神氣似可。常生案。禮記。地載神氣。神氣風遠。又曰。氣志如神。鄭注。謂聖人也。情態。

詩。賓之初筵。箋。淫液者。飲酒時情態也。

本命。

三國志管輅傳。吾本命在寅。鑑案。大戴禮。有本命篇。易。本命篇。蕭占五行大義。納音。數者。謂入本命所屬之音也。一言得土者。本命庚子。子屬於庚。數之一言。便以得之。是也。三言得火者。本命丙寅。寅屬於戊。從丙數至戊。凡三。是也。五言得水者。本命壬戌。戌屬於丙。從壬數至丙。凡五。是也。七言得金者。本命

壬申申屬於戌從壬數至戊凡七是也九言得木者本命己巳己屬於丁從己數至丁凡九是也六十甲子例皆如是。

骨節。

列子黃帝篇骨節與人同而犯害與人異。常生案國語吳伐越墮會稽獲骨節專車。

眼珠子。

今人呼目眸子爲珠子。韓詩章句無珠子曰矐。矐字林矐目有朕無珠子也。鑑案廬江小吏詩卻與小姑別淚落連珠子。

眼孔。

唐書安祿山傳帝爲祿山起第京師以中人督役戒曰善爲部署。祿山眼孔大毋令笑我。朝野僉戴張元一嘲武懿宗曰未見桃花面皮謾作杏子眼孔。

眼匡俗作眶

釋名睫插也接也插於眼匡而相接也。常生案說文無眶字惟廣韻眶眼眶故云俗。

眼力。

杜氏通典籍字既細難爲眼力。沈約常生案劉禹錫詩減書存眼力。又姚合詩簿書銷眼力。

額角。

釋名角者生於額角。宋史刑法志。其次稍重。則止刺額角。鑑案論語誤考。顏回有角。額似月形。角額。即額角也。

頭角。

韓退之撰柳子厚墓志。嶄然見頭角。

頭皮。

楊朴詩。今日捉將官裏去。這回斷送老頭皮。

頭頸。

釋名髦。冒也。覆冒頭頸也。鑑案。玉藻。頭頸必中。說文。頸。頭壘也。今亦作脰。何休公羊注。脰。頸也。

面皮。

南史文苑傳。高爽從縣閣下取筆。書鼓云。徒有八尺圍。腹無一寸腸。面皮如許厚。受打未詎央。鑑案。西京雜記。曹元理計困米數。出差一升。曰。遂不知鼠之殊米。不如剝面皮矣。常生案。庾子山詩。向人長曼臉。由來薄面皮。又靈樞經。其氣之津液皆上燭於面。面皮又厚。其肉堅。

鼻頭。

南史曹景宗傳。耳後生風。鼻頭出火。黃山谷詩。法從空處起。人向鼻頭參。

心孔。